

- P É Y I - L I M I È -

An gran limiè Ka vlopéw apenn ou touché tè
Lodè lanmè é sanmil koulè
An migan sansasion benyen dan chalè ek fréchè

An lariviè An volkan kraché anba lanmè
Lapli douvan jou, menm si ni tonnè
Ka fè malè dousi anba karès ti van léjè.

Sé tou sa péyi-a yé, bel piébwa é sab mouyé
An tèt mòn anba chapo niyaj, an frison anba loraj.
Gadé... Ni plèzi, ni soufrans, mé fòs ka limen lespérans,
Dan réyon soley pou nou sav lamannyè nou ni chans.

Sé tou sa i yé pou nou, an chanté, an kout tanbou.
Ti sirè a lapo mil koulè ka baré lapli,
Ka babiyé dan lonbraj mawogani.
Ni ki nwè, ni ki klè, yich listiva chajé ek doulè
Ki matjé dan tjè péyi-a épi chak vag lanmè

Sé tou sa péyi-a yé, bel piébwa é sab mouyé
Ti sirè a lapo mil koulè ka baré lapli,
Ka babiyé dan lonbraj mawogani.
Ni ki nwè, ni ki klè, yich listiva chajé ek doulè
Ki matjé dan tjè péyi-a épi chak vag lanmè

Mi bel limiè Sé dènyé limaj nou sé lé wè
Lodè lanmè é sanmil koulè
Jou zyé-nou fèmen asiré nou vlopé dan dousè...

Lè zyé-mwen fèmen asiré mwen vlopé dan dousè...